




585766

Mag. St. Dr.

I





F

F

Ar
&

In V

F
C

ROSA AVTVMNALIS

Cœlo Manibus Schismaticorū inserta.

Dunae aquis irrigata

In terris gratum spargens odorem

Siue

BEATVS IOSAPHAT .

KVNCEVICIVS

Archiepiscopus Polocēn Episcopus Vitepscēn.

& Mscislauiēn Ordinis Diui Basilii Magni

Redux Polociam ad Sedem Suam

Triumpho celebri Vilnæ.

In Vibe Magni Ducatūs Lithuaniz honoratus.

Per

BENEDICTVM MICHNIEVICZ

Ord. eiusdem Presbyterum repræsentatus .

Anno Domini M. DC. LXVII ,



Ex Typographia Ignatii de Lazaris,
Superiorum Permissu .

ROSA AYTMANIS

Caelo Manibus Schilmarcorum
Dunae adus irrigata
In terris gratum fragrans odorem
Sine

BEATVS IOSAPHAT

KVINCEVICIVS

Archiepiscopus Polocorum Vitepsco
Melitensis Ordinis Dni Ecllii Magni
Rector Polocum ad Sedem suam
Triumpho celebrat Villam
In Vibe Magni Ducis Lithuanie honoratus
Per


BENEDICTVM MICHNIEVICZ

Ordinalem Presbyterum presens
Anno Domini M.DC.LXVII

585766

I

Sf. Dr. 1991 K 756/3 (109)



Sunt tibi quadrifida, gentilis tessera frondes,
 Quæ peregrinanti frata dedere Deo :
 Altera pars rubeo, aurato pars altera cosmo
 Splendet ; & alternum iactat vtrunque iubar .
 Numinis è quino profusus vulnere sanguis
 Est rubor : Æthereæ quo patuere fores.
 Sanguineæ in rutilos guttæ cessere pyropos ;
 Has auro gemmas inseruisse decet .



Sicut tibi quadrifida, gentilis tellus fons,
 Quae peragranant litora dedecus Deo:
 Altera pars rubeo, aurato pars altera colono
 Splendet; et sternum iacet vineae iubar.
 Numinis è quo profusa volucre sanguis
 Est rubeo: Aethera quo pandit fores.
 Sanguine in rutilos enses celsae pyropos;
 Haec aut gemmas insensibile decet.

5
Eminentissimo, & Reuerendissimo Principi

MARCELLO SANTACRUCIO

S. R. E. CARDINALI.

Totius Russiae Protectori
Vigilantissimo.

Domino Domino, & Patrono Colendissimo
Benedictus Michnienicz Ordinis D. Basilij
Magni D. D.



Vtrumnalem Oblaturus Eminentiae Vestrae. Rosam in
Alba Russia 12. Nouembr.
Schismaticorum manibus.
ad. Elysios Campos transplantaram, verebar ne, quod à Luna ad
adorandum quasi Solem sese submitte,

Anno
1623

po-

potius eum Ecclipsari per illam usu venit;
 in Sacram Eminentiae Vestrae Purpuram
 simile quid hoc ausu meo contingat.
 Enimvero Gentilitia Cruce, & Praesulea
 animatus benedictione, in vnitam quoque
 Russiam, Diuique Basilij Magni Religio-
 nem patrocinio, ac tutela munitus, odo-
 riferam hanc Rosam ab Eminentia Vestra
 acceptam habere, velim: vt nimirum vn-
 de incrementum habetur, eodem fructus
 reponatur. Rosam, inquam, in Petri in-
 concussa fertilissimaque Petra natam, Bea-
 tum Iosaphat reducem ad sedem suam
 cum triumpho. Quem vt hilari fronte
 suscipere digneris, ipsiusmet Praesulea
 Purpura sanguine suo tincta recommen-
 dat. Suscipe igitur Eminentissime Prin-
 ceps, & prout ipse in reditu suo, Vilnae
 exoptatam sparsit fragrantiam, sic Roma
 Caput Orbis sub Tuis auspicijs eundem
 sentiat odorem.



B. Martyr Iosadras Archieppus Poloceni Ord.
 S. Basilij M. pro fide Catholica maxime vero pro
 vntione cum S. R. E. fideliter a Schismaticis caesus.

Morte Martyrum Religio defensa , cumlata fides, Eccle-
 sia roborata est, vicerunt vici persecutores suos.
 S. Ambr.

Epigrama .

Sacrum dira caput dum Iosaphat ascia findit ,
 Effusoq; madens sanguine fudat humus ;
 Aethereis Rosa succreſcit formoſior hortis ,
 Quam iactat Patriæ nobile ſtemma domûs :
 Nempe autumnales reſperſit odoribus auras
 Sanguineo inuicti Martyris vda croco.
 Agri proſciſſi non eſt hæc vomere germen;
 Terreſtris, vernat non niſi vere , roſa .
 Miſerat hâc Cælo(eſt etenim roſa amoris imago,)
 Iosaphat, in pignus fœderis, almus amor :
 Fœdera nunc quoniâ patrio neſtuntur Olympo;
 Natium repetit , munere functa, ſolum.



9

Breuis Relatio Reditus Beati
Martyris IOSAPHAT, ad
Sedem suam Archiepisco-
patus Polocensis, per Vr-
bem Magni Ducatus
Lithuaniae Vilnam.



Vrrentis anni, dies vigesima-
quinta Septembris erat, quo
B. Iosaphat Ord. S. Basilij M.
per Vilnam M. Ducatus Li-
thuaniae Metropolitanam Vr-
bem, ex Archimandria Ordinis eiusdem Supra-
sienfi 142. milliarijs Italicis diffita, quò per
Successorem suum Illustrissimum, & Reueren-
dissimum Dominum Gabrielem Kolenda, nunc
Metropolitanum totius Russiae Archiepisco-
pum, ab incurfione Moschouitica declinari vo-
luit; iterum ad Sedem suam, fide Catholica
partam, sanguine suo propagatam Polociam,
redibat ouans. Opportunitatem Diuus Ar-
chi-Præful, ab Fel. Rec. Urbano VIII. in al-

B bum

bum purpuratorum insertus B. B. Martyrum, non minus propter aeris in Lithuaniae partibus temperiem, nactus, quam Illustrissimorum, & R. R. Episcoporum utriusque Ritûs confluxum, multorum Illustrissimorum M. D. Lith. Senatorum concursum, denique ob Statum Equestris, & militaris multitudinem. Venerabile Capitulum Vilnense, & multarum Religionum obseruantissimos Monachos, & Fratres non memoro; Nobilissimum dein Iuuentutis Academicæ imbutæ curâ PP. Soc. Iesu, morum honestate, exemplari pietate, sublimi doctrinâ, Vilnæ semper manentium frequentiam, licet magnam splendoris addentem pompam mitto, infra tamen breuiter memorandam.

Vigesima secunda Mensis eiusdem Illustrissimus Metropolitanus Russiæ cum suis Ritibus Græci, Archiepiscopis, Præsulibus, Archimanditis, & multis. Ordinis D. Basilij Magni Religiosis venit in suburbium Vilnense vnâ cum Dîno Martyre, quem Illustrissimus Episcopus Pinscensis cum Presbyteris Diaconis, & multo Clero obuius salutauit: sicque sacra metari sunt castra eminus Trocensi porta in elationi colle, sub tentorio amplissimæ molis

artificij variegati; opere plane admirando; assistentibus Presbyteris eiusdem Ritûs tum Regularibus tum Sæcularibus, multitudine lampadum, & candelarum ardentium intrastipati, extra igne copioso undique lucente. Vbi per totum temporis intervallum pedester miles sat numerosus Sacras circa papilionem, fecit exebias, musicâ eiusdem varios accinente deuotos hymnos: indubiâ spe fretus insomnis cultos, ob hoc suum Diuo Prasuli seruitium delatum, de hoste, cum quo conferendæ manus forent, victoriam reportaturum; quemadmodum ipsius Nomine pro tessera militari sumpto Chouanscius Moschouitici exercitus Dux Generalissimus, cum maxima strage sub Lachouicijs profligatus est, prout ipsemet Beatus Martyr Schismate profligato nunc triumphat gloriôsè: Neque fastidiuit deuotus animus licet grandi quassatus pluuiâ memoratum prosequi obsequium. Et certè desperatum erat de Introductione solempni ob diutinam tempestatem; sed vespere facto, nocteque supergressa, dum

Sic fuscis prouecta rotis nox atra ruebat.

Oceano, Vallesq. vmbreis complexa cruentas,

Donec flammigerâ tollêtes æquore currum,

Solis equi sparsere diem, iaque Orbe, renato
 Diluerat nebulas Titan, sensimque fluebat
 Caligo in terras, nitido resoluta sereno.
 imò serenissimo diuque desiderato Phæbo, vn-
 dique populus frequens cursim alter alterum,
 quasi protrudendo, vt quisque propior Diui se
 Martyris sistat venerationi confluebat. Diues
 pauperi comes esse non erubescibat, senex iu-
 niori æquiparari celeritate cupiebat, sexus vter-
 que Æquestris, & plebeius promiscuè ad hono-
 randum Archi-Præsulem festinabat. Tantis
 ardor omnium erat, vt Nobiles, Ciues vulgus,
 viri, fæminæ, puerique ad Martyris obsequium
 pari ruerent concordia. Post ortum solis ho-
 stia quasi primâ Militum equitantium copiose
 phalanges comparuere. Sequebatur hos stu-
 diofa Iuuentus Almæ PP. Soc. Iesu Academiæ,
 omnes ordinatissimo modestissimoque gradu,
 conimirum, quem vel Parthenica suasit Soda-
 litas, vel eorundem PP. inculcauit magistra-
 disciplina, non sine minervali maioris gloriæ
 Diuinæ. Tum variæ Religiones quælibet suâ
 procedebat distinctione: Magistratu exnunc
 subsequente. Illustrissimus Metropolitanus
 Russiæ cum suis Illustrissimus Episcopus Vil-
 nensis itidem cum suis acceleravit, vterque ni-
 mi-

mirum Sacrâ Episcoporum, Archimandritarû,
 Canonicorum, Prælatorum, aliorumque grandi
 cinctus coronâ. Principes quoque Illustrissimi
 Senatores, sacræ Regiæ maiestatis Commissa-
 rij, Exercituum Coryphæi & Legionarij multo
 stipati famulatio confluerunt.

Sic iam Vrbe totâ in suburbium quasi de-
 portatâ dum omnium cor vnum & mens erat
 vna, vt, quo quisque posset maximo Beatissi-
 mum Archipræsulem prosequatur honore, Illu-
 strissimus Chelmenfis Ritûs Græci Episcopus
 non minus gravitate personæ quam sublimitate
 ingenij, & meritis in Ecclesia Catholica con-
 spicius, in loco eminentiori propè Beatum,
 Martyrem dignum tanto viro in laudem Beati,
 sermonem orsus: qui & Romæ in præsentia,
 Eminentissimorum S. R. E. Principum disertè
 dicendo, & Alexandro VII. Fel. Rec. Vitam
 eiusdem Martyris locupletius prælo mandatam
 dedicando, laudes eius texere consuevit. Pe-
 racto itaque sermone, ex mandato Illustrissimi
 Metropolitanî horâ quasi tertiâ diei, solemnem
 inchoare volentis Processionem, plus quàm li-
 benter paruere cuncti. Et quidem dictæ PP.
 Soc. Academiæ florida iuuentus cum suis ve-
 xillis præcedentiam sibi vendicauit, humilitatis

gravitate, morum probitate, exemplarique pietate laudatissima. Vestium splendore, phalaratorum equorum gubernatione, aliarumque naturæ dotum muneribus dorata. Militaris Legio vestigia primi equitatus continuò premebat, omnes equorum generositate, loricarum armorumque fulgore virium robore, animique fortitudine gloriosi: hos à primis discernebat buccinarum clangor, tympanorum fragor, aliaque bellorum musica instrumenta. Verùm licet hanc distinctionem tubæ non inseruissent, ætas tamen ipsa alterius esse fortis intimaret, & vel quia illi Mineruæ, & Apollini cum suis Musis fauebant magis, istis bellicosus patrocinebatur Mauors. Nihilominus vterque cætus cultu dulciæ nimium fervidus procedebat, hebrebatque pede pes, densusque viro vir.

Huic cætui propè millenario, qui tum in Bellonæ arena spectabili, amicæ stimulatī hostilitate, subtilissimorum Ingeniorum acumine concertant, tum in tetrico, semperque sanguinem alterutrius partis sitiente martio campo, vlticibus congregiuntur armis, huic inquam, successit sacer vnius Regis Regum variorum tamen Ducum exercitus, S. P. Basilii M. Benedicti, Augustini, Dominici, Francisci bina, Car-

melitanorum itidem Legio bina. Omnes antiquitatis suorum Patriarcharum memores & institutionis solito ordine seruato, mente in Deum eleuatâ, laudantes suam maiestatem triumphante Ecclesia Romanâ in Beato Martyre, pedetentim incedebant. Similiter musica sacra comitabatur: organa baiulorum quatuor, subierunt humeri, circaque non dissona instrumentorum varietas, vocalium musicorum cantus, expletis auribus gentis, & platearum laxitate caelos penetrabant. Clero palmam in hoc sibi præripi non permittente, qui vel solâ Gregoriana modulatione suauiter adstipulabatur. Illustrissimum Capitulum Vilnense Canonici, Officiales rochetis, hyperendimatibus vestiti Reuerendissimus Abbas Trocensis Ordinis S. Benedicti, Illustrissimi tandem Episcopi, Gratiopolitanus Episcopus Albæ Russiæ Suffraganeus, Episcopus Vindensis, Episcopus Smolenscensis, Episcopus Samogitiæ, demum Illustrissimus M. D. Lith. Primas Episcopus Vilnensis, omnes insulati splendidissimo rubeo induti apparatu, cum debita tantis viris incedebant grauitate.

Iam hic ad modum ferè inauditum Processionis triumphantis Martyris, specialem mihi quon-

quendam scribendi modum suppeditari peroptarem: Enimuerò prout in ordinem habente se populo, finito sermone ab Illustrissimo Iacobo Susza Episcopo Chelmenfi, plurimi erant quibus hilaris deuotio exegit planctum, itâ mihi nunc scribenti æque pia hilaritas vel inuirtus vberes protrudit lachrimas, dum in mentem reduco meam, iunctos currui prætiosis loris equos generosos Illustrissimi Metropolitani, & aurigas equis insidentes; iam iamque eosdem agere volentes, moxque solutos cum habenis & aurigis dimissos: euicit quippe obsequiosa pietas in Diuinissimum pro vnione cum Sancta Romana Ecclesia Martyrem, & zelus populi variæque conditionis Nobilis & Ciuilis humilis oratio, apud Illustrissimum Metropolitanum euicit; dum quibus ad laborem nata bruta animantia sed iam emancipata, currum ducere debebant ipse populus eadem lora humeris suis superinduxit, alij quidem pectori suo admouendo alij manibus fortiter apprehendo, qui lento passu virium robore moderato præ indigentia Processionis Currum triumphalem in quo feliciter cum Christo triumphantis in argenteo Sarcophago sacrum Lysanion quiescebat; non ducebant, sed potius, & venerandas

das exuvias curru sua arca, & ipsum Currum portabant, ausim pro certo affirmare.

Ex destinato Curru equis ducendus erat, in cultus hominum singularis in laudabilem transformaret metamorphosim. Habuit ille rotas in magnitudinem triumphalis currus, bures, temonem, aliaque requisita affabre facta.

Thronus ipse pulcherrime depictus paulò supra eminebat, quem coccineum sericum quatuor orgijs latum & quinque longum aureis arte textoria distinctum floribus operiebat, illudque auro textili fimbriatum ob maiorem Beati Mattyris honorem, Illustrissimi deferebant Senatores. Geminus primùm Orbis Lithuanici Hercules, vterque clauam territantium monstruorum, per Borysthenem ^a Orientalium, occidentaliū ^b per mare Balticum, per Vistulam & Danubium ^c meridionaliū per Dunam ^d septentrionaliū, domitricem habens.

Maiorem Generalissimus qui & Palatinus Smolenscensis, minorem alter vulgò Campestem dictam. hic simul & Vitepscensis. Tum Palatinus Polocensis cum Magni Ducatus Lithuaniae Vicecancellario: quos primùm amor mutui, dein vinculum sanguinis colligauit. Ultrà, Magni Duc. Lith. Magnus Thesaurarius, mul-

^a Tartari,
& Cosaci

^b Sueci
cum hæretica Prus-
sia

^c Raccotius cum
Valachis
^d Moischus.

ti Castellani vtrâ citràque dictum coccinum
 tenentes circumdederunt. Omnes nobilitate,
 prosapiæ, consilij grauitate, honorum subli-
 mitate in Deum Religione, in Sanctum eius
 cultu, in Patriam amore, in sacram denique,
 Regiam Maiestatem fidelitate commendatissi-
 mi, Illustrissimi

In hoc triumphali Curru, an potius throno,
 arcam ex purissimo argento factam sumptu
 maximo Illustrissimi Senatoris, & Principis
 amplissimi, olim M. D. Lith. Vicecancellarii,
 Leonis Sapicha, sex Angeli, itidem sex cubitos
 geometricos alti, vno pede geniculati, altero
 firmo, vtrâque manu brachijs in adiumentum
 datis fortiter sustinebant. Tres erant ex vna
 laminæ, totidem ex altera parte, caput velabat
 vna, pedes habuerunt laminam secundam,
 omnes bullatis adinuicem fibulatæ cochleis, iu-
 gamento etiam argenteo inclusæ crassiori.
 Quælibet harum octo, martyrii Beati Archi-
 præfulis seriem repræsentabat. Grandem sci-
 licet fustem & bipendem securim, barbæ & cæ-
 sariei vellicationem, capitis & faciei pedibus,
 totius corporis corpore toto conculcationem,
 vestium & cilicii spoliationem, deque sublimi
 monte præcipationem, in scapham per pedes
 de-

denudati illuloriam impositionem, lapidibus aliis cilicio impletis, aliis nudis, his ad pedes, illis ad collum alligationem, in torrente Duna submersionem aliasque plurimas insultationes, & in bonum Pastorem sæuam crudelitatem & crudelem sæuitiem præferebat. Tegumentum huius tumbæ tantisper arcuatum, effigiem impiè trucidati Pastoris, sacro Præfuleo apparatu ornatu, iunctis manibus, cum infauſta securi lunatâ capiti hærente, pro Capite nimirum Orthodoxæ Ecclesiæ Pontifice Romano, videndam subiiciebat. Hæc adeò maiestuoſa pretii que ſummi arca, aliam intra ſe includebat cupreſſinam, odorem ſpirantem gratum, cui Beatiffimi Martyris concreditum Lypſanon venerandum, mitrâ, pallio, habituque ornatum prætiſo.

Non immemor officii debiti, & venerationis reddendæ Paſtori ſuo, mox eum ſequebatur Ritûs Græci muſica idiomate ſlauono, tanto ſuauius auſcultantium demulcens aures, quando ſinè artificialium inſtrumentorum ornameto, ſolâ vocum naturalium harmoniâ appetenda, per totas Urbis vias, quâ latè patebant, cum ſymphoniaca diſcuſſione quadam ingeniôſæ compoſitionis gratiſſimè diſfunde-

batur ; Clerus Damascenicorum tonorum concinnitate paraclysin seu litanias pro PETRI inconcussa fidei PETRA , clementerque de sede eius Orbi vniuerso tradente iura CLEMENTI IX. pro pace Principum Christianorum , hæreticorum humiliatione & schismatis conuersione aliisque necessitatibus , Deo & Christo Pastorum inuisibili Pastori matrique eius sanctissimæ supplices persoluebant . Archidiaconus Illustrissimi Metropolitanus Crucem Archiepiscopalem è puro argento fusam , cum pia defererebat maiestate . Ponè Diaconorum denarius ponebatur numerus . Presbyteri partim Ord. D. Basilij Magni , partim sæculares Sacerdotes trigessimum attingebant . Computus Perillustrium , ac Reuerendissimorum Archimandritarum , vel sic haberi potest , recensendo a qua mundi plaga ex sua quisque venit Abbatia , Zydicinenſis itaque Cobrinenſis , Derma-nenſis . & Dubnenſis adhuc oriente venerunt ſole . Berezuecenſem , Polocenſem , & Braslauienſem etiam Occidens minimè retardauit . Nec Supraslienſi , nec Grodnenſi Meridionalis æſtus Solis viam impediuit . Laurifouienſis denique Minſcenſis , & Czereienſis frigidâ zonâ cincti , celerius ſe itinere accinxerunt , vt Diuo

Mar-

Martyri triumphanti congaudere possent .
 Illustrissimi , & Reuerendissimi Archiepiscopi ,
 & Episcopi libentissimâ , & vt ita dicam indi-
 uisibili mente ad functionem huius Actûs con-
 fluxêre . Præmysliensem , & Samboriensem .
 Tractus Prouinciæ submontanæ cum Podolia
 expediuerunt . Pinscensem nec non Turouien-
 sem Polesia dedit cum Lithuania , Chelmen-
 sem , qui , & Belzensis ; Volinia præsentauit ,
 Vlodimirensem Protothronium , & Brestensem
 Subsüuania Aquilonarisque Polonia misit ; Ar-
 chiepiscopum Smolenscensem , & Czerniho-
 uiensem Alba Russia , & Roxolania delegauit .
 Omnes sacro habitu Græco auro textu cui ru-
 beum interponebatur fericum vestiti , Mitras
 auro puro , margaritis lapidibus prætiosis orna-
 tas deferabant . Ipse Illustrissimus totius Rus-
 siæ Metropolitanus præsentis functionis Auctor
 sedi suæ restituens Prædecessorem Beatum , ge-
 neris Nobilitate eximius , virtutum indefessus
 cultor , animarum zelo Pastor feruentissimus ,
 incedebat Archiepiscopali indutus apparamen-
 to eo sumptuosiori , quo alijs honore , præro-
 gatiuâ , potestate , Serenissimi Regis Polonia-
 rum Apostolicæ Sedi præsentatione commen-
 dabilior , Fel. Rec. Alexandri VII. ore Aposto-
 lico,

lico, falli nescio, in Consistorio Eminentissimorum S. R. E. Principum ad Metropolitanum thronum sublimatus, hinc ut talis acceptatus, ab omnibus amatur, honoratur. Diaconi ad subministrandas altiori voce ab eodem dicendas orationes, assistebant. Ex sæcularibus duo, quibus pro exigentia lapsabundarum corporis virium tantisper inniti possit, dextrum Germanus, sinistrum amatinus Frater, Metropolitanum claudebant latus. ex antiquissima Mag. Duc. Lith. Familia uterque nobilissimus, Patriæ suorumque amantissimus, honorum fastigio clarissimus uterque. Item celeberrimæ Processionis huius coronidem imponebat multa nobilitas, officiorum dignitate conspicua, tum Magistratus Viluensis ex hominibus catholicis vtriusque Ritus conflatus clarissimis, Urbis eiusdem ciuis, & plebis innumerabilis multitudo. Demum leuioris armaturæ miles longioribus sclopetis instructus, super equos Martio campo apprimè deferuientes, ultimo se loco subiunxit; sed mox & tormenta bellica grandiora, in pedisequum Beati Triumphatoris obsequium quasi prorumpendo, trinam concordie fragore intonuerunt promptitudinem.

Tali procelebant ordine ex suburbio per portam

tam Trocensem dictam, cum magna cordis
 contritione, animique deuotâ humiliatione,
 populus autem frequens ex collateralibus fluens
 plateis continuò maiorem augebat numerum,
 hæreticis, Iudæis, Tartaris denique indigenis
 accurrentibus. Versus aliquot Ecclesias in-
 choato insistendum erat Actui, in quibus cam-
 panarum sonitu vndique pium dabatur salus.
 Patrum Sacri Ordinis Prædicatorum erat pri-
 ma Spiritui sancto dicata, secunda Santissimæ
 Trinitati: utrobique Altaria in plateis erige-
 bantur decentissima, cum Beati Iosaphat Ico-
 ne, multo lumine lampadum, candelarum,
 tapetum, variorumque ornamentorum splen-
 dore condecorata. Tertium erat P. P. Soc.
 Parochiale Templum, cui post Christum Ma-
 tremque eius Beatissimam, Diuus Ioannes Bap-
 tista patrocinebatur. Ad quod Religiosissimo-
 rum Patrum eximius cultus, & obseruantia,
 erga Diuum Martyrem, mirum quantum
 effulsit! non parum sumptibus, non laboribus,
 non demum adinventionibus, quibus omni-
 bus præsens honoretur Triumphator. Impri-
 mis theatrum vnius hominis non excedebat
 staturam; Altare habens pulchrè adornatum,
 multis candelabris vasis multis, multâque su-
 pel-

pellectile argentea instructum: aulæis; peripetasmatis, & planè Regiis textilibus muri operiebantur. In theatro, Principum, Magnatum, Nobiliumque filii, Academiae P. P. Soc. tenera Iuuentus, cuius ætas decennium vel non attingit, vel certe duos supra decem non excessit, triumphantem Archi-Præfulem, splendè vestita præstolabatur. Adueniente interim Curru, musica P. P. Soc. tum vocalis tum instrumentalis multifaria ad organum, suauissimum auribus inferebar melos; nec cessatum ab hac donec Beati Martyris exuuiæ mortalitatis è diametro theatri, an potius arcus triumphalis constitit: quo etiam ascendentibus Illustrissimis Episcopis vtriusque Ritus & Metropolitano, tubarum clangor, & fragor tympanorum, mirâ in modum hilaritate applaudebat. Mox generosa Iuuentus illa, obsequiosissima salutatione Hospitem & Antistitem, deuota congratulatione Martyrem & Victorem, intimâ apprecatione Triumphatorem & Patronum prosequabatur validissimum: ita nimirum ex ore infantium & lactentium perfecit Dominus laudem sanctorum suorum. Nouerit sanè totus Mundus, non solus Orbis Polonus, quibus Magistris illustratus est, quibus ad iusticiam

eruditus, qui & arcus subire triumphales & fulgere faciunt in æternas perpetuitates. Iamque post redditam venerationem, iteratò tubis tympanis gloriosum sonuit celeusma, musica etiam abeuntem Diuum Archi-Præsulem ad locum, destinatum suauissimo nec non modulatissimo expediebat concentu.

Ab hac P. P. Soc. Æde sacra, latior se obtulit Triumphatori via dexterâ manu ingressum ad Ecclesiam Sanctissimæ Trinitatis Basilianorum porrigente, quâ ductrice altius ascendendum erat, donec scopus attingeretur. Pergebatur in inceptis, ecce dùm propter Curiam Magistratus Ciuilis itur, præter militaris musicæ classicum ex alto Prætorii datum, multæ bombardæ sclopeta multa aliquoties infimul exonerata, eodemque instanti ex tormentis bellicis & mortariolis explosum horrendè. Latî Consules vtriusque Ritûs cum Patritiis suis, quòd B. Martyris Archimandritam agentis operâ schisma è senatu explodebatur; & tandem funditùs explosum - Vterius procedentem Beatum Archi-Præsulem Domus Professæ PP. Soc. Ecclesiæ S. Calimini Præpositurâ gaudens per totam Urbem se diffundente æerei sonûs voce venerabatur sic Vrbe quasi perlustratâ ab

Antistite glorioso, ad cuius præsentiam in plateis domus Palatia & muri varium decorem & splendorem induebantur, onustus ut ita dicam salutationibus, acclamationibus & triumphis, Basilicam Sanctissimæ Triadis Basilianorum intrauit gloriosè. Ibi in magnificentissimo plus quàm Regio throno, illorumne quos Deiferos vocitamus, Præsuleis inquam & aliorum Insulorum manibus, an etiam eorundem, qui fimbriam tegumenti Currus Triumphantis Martyris per totum Processionis tempus ferebant, Illustrissimorum Principum Seuatorum, viribus in throno collocatus? videor mihi non posse absque præiudiciò alterutrius partis affirmare. beatum illum qui sanctis Dei talem unquam exhibere potuit honorem!

His ita gloriosè peractis Lyturgiam solemnem ipse fessus licet Illustrissimus Metropolitanus celebrabat, magnâ circumdatus Episcoporum, Archimandritarum Sacerdotum, Diaconorumque coronâ. Profectò si eò quispiam Syrus de ultimis veniret syluis, aut ex remotiori Ephrem remearet eremo, in quem usque Gentilitium. Illustrissimi Metropolitanus deferrebat nomen & virtus, videret oculis propriis S. Patris Basilii Magni, in Filio suo, Archi Episcopi Cæsareæ

fareæ Cappadociensis in Archi Episcopo tótius
 Russiæ Ideam viuam, humilem maiestatem,
 clementem pietatem, Domûs Dei dilectionem,
 zelumque animarum in eo videret. Cerneret
 eum qui Archimandriam Berezuecensem â pos-
 sidentibus iniquo iure multâ licèt composito-
 rum aggrauatus iudiciorum, aliquot millibus
 de Patriis bonis persolutis Ecclesiæ ac Religioni
 recuperavit restituit. Animaduerneret eum,
 qui ob prouentus Archimandriæ Suprasliensis
 Collatori denegatos, aut cedere iussus, aut eu-
 ginato, quem temulentus tulit famulus gladio
 subdere caput, lubens paruit, & denudatam
 propriis manibus, in præsentia Perillustis Ca-
 nonici Vilnensis & Protonationii Apostolici Re-
 ligioforumque illius Monasterii, geniculatus
 porrigebat ceruicem: asserens, sanguine suo
 Patrimonium Christi fertilis fore. Gauderet
 ille Syrus Archiepiscopo viso, quem videre est
 erudiri, iudicaret sanè non tantum Basilianæ
 Religionis prudentissimum esse moderatorem
 Beatissimique Martyris dignissimum succes-
 sorem, sed etiam totius Russiæ vigilantissimum
 Pastorem, labore, sapientiâ, & multa prou-
 dentiâ Schismaticas Ecclesias & earum Præ-
 sbyteros ab errore pertinaci reuocantem, in.

Comitiis Generalibus ne quid a Sectariis contra immunitates Orthodoxæ fidei, clanculū irrepat, etiam cum dispendio suæ sanitatis aduertentem :

Ab hoc tam eximio Pastore finitâ Missâ ex altiori pulpito, R. P. Cyprianus Zochovski Ord. S. Basilij M. recenter laureâ S. Theol. redimitus Romæ, in laudem Beatissimi Præfulis, ad numerosissimum Auditorem cum dulci verborum eloquentia perorauit : non immemor laborum fatigationis, & exhibitorum Diuo Martyri, ab eodem Auditore honorum, panegyricæ gratias dedit infinitas. adeòque bene Sacri Oratoris gessit partes, vt idem Illustrissimum Auditorium ad dandas Sacræ Sedi Apostolicæ summas gratias proripuerit, quod illa, animabus ad pascendum sibi commissis, earumque zelo feruens ex Vrbe Roma Magnos Basilios pietatis, Religionis, Monasticæ vitæ exemplares cultores, Magnos Athanasios Schismatum Hæresumque strenuos oppugnatores ministret, quod Chrysostomos oris aurei disertissimos Prædicatores Gregorios Theologos, & Nazianzenos dogmatum Fidei claros illustratores submittat, quod demum Apologeticos Dionysios, Epiphanos Sanctissimæ Trinitatis ho-

noris vindices Cyrillos Iuuentutis quoque doctissimos instructores Arsenios quasi rediuuios Ecclesiæ primitiæ Orientalis Patres suppeditare, & per eos Catholicam Fidem propagare dignetur. Sola malefanorum Schismaticorum infida colluies, non minus impio liuore quam peruicaci contumacia tumens, & in Christi Vicarium Successorem Petri Sacramque eius Sedem Apostolicam, maleuolo æstuans animo talem ab illa gratiam in Vnitam Russiam emanare vehementi odio ac inuidia tabescebat.

Iam die lunæ succedente vigesima sextâ nimirum Septembris, habitâ notitiâ quadragenariæ Orationis frequens eam populus deuotissimè absoluebat non modò ob plurima Missæ Sacrificia a Præsbyteris sæcularibus, & multarum Religionum Sacerdotibus dicta, sed etiam ob eiusdem populi singularem zelum, quo inflammatus peccata sua apud Confessarios deponebat, animasque viuifico Pane corroborabat, Sacra panegyri in laudem Diui Præfulis à R.P. Blonski Soc. Iesu complementum honoris addente, & a R. S. Simeone Cyprianovicz Ord. S. Basilij Mag. eidem diei Vespertino sermone clausulam imponente. Die martis Alma PP. Soc. Iesu Academia Iuuentute florens Nobilissimâ,

simâ, sicut in multis specimen virtutum, pietatisque exemplum præbere solet, ita in hac etiam deuotione & speciali Processione cum sacra exomologesi Patronum suum venerata: ad cuius feruoris complementum eodem mane R. P. Grabouski Soc. Iesu, vespere R. P. Korzeniowski Ord. S. Basilii M. perorauit. Mercurii die quo ad vesperam oratio terminari voluit, sed non potuit, nam per integrum tempus in eodem semper feruore quo incepit, perseuerabat. Illustrissimus etiam Episcopus Vilnensis Mag. Duc. Lith. Senator primus cum memoratis Episcopis, Suffraganeis, Canonicis, & Venerabili Capitulo ex Cathedrali Ecclesia sua Diuo Stanislao dicata processionaliter venit: vbi ab eodem Illustrissimo celebrabatur Missa suauissima accinente musica. Perillustris quoque R. D. Girski Canonicus Vilnensis non minus docte quam erudite in laudem B. Martyris concionatus. Post meridiem vespere dicebantur a Patribus Basilianis iis terminatis Reuerendissimus P. Iosephus Grodzicki Archimandrita Polocensis multis in locis celebris Chrysologus inhabituatusque concionator, suauis verborum vberrate sermone facundo cum applausu cunctorum auscultantium finem imponebat.

Ve-

Verum ad tam gloriosum actum necessum
 erat Schismatis obtreptantis os blasphemum
 obturare, negantis Corpus Præfuleum in hac
 Arca esse, vel certe vix ossa putredine consum-
 pta reperiri; quare visum erat vt Diuinissimus
 Martyr, non solum aquilis in Petra Petri nidi-
 ficantibus Catholicis, sed etiam cæcutientibus
 noctuis & vespertilionibus videndus præbea-
 tur. Idcirco die solis in octaua nimirum In-
 troductionis semoto operimento argenteo Sol
 Roseus affulsit, paulo altius eleuatus D. Mar-
 tyr, benedictionem daturus vniuersis, & intra-
 ctum ab omni tabe virgineum eius Corpus or-
 natum apparatu sacro, caput quasi recens sau-
 cium præferens vulnus, sacra Pastoralis manus
 ad excipiendum osculum, tangendas imagines,
 libellos, rosaria coronas, quinque diebus pa-
 tebat sanguine madens Eodem die R. P. Bu-
 finski Ordinis S. Basilii M. super Palpate &
 videre, Schismaticorum perfidiam, & conui-
 cia contra S. Apostolicam Sedem quæ in Ca-
 thalogum Beatorum Martyrum ab ijs crude-
 liter necatum Diuum Iosaphat inseruit, doctis-
 sime refutauit. Cui etiam R. P. Ioannes Mala-
 chovski Ordinis eiusdem pari zelo amorem ac
 desiderium Sanctæ Unionis cum Ecclesia Ro-
 ma-

mana ingeniosissime persuadebat. Ab hoc die expositionis sacrorum Diui Præfulis Lypsano-
rum ad sequentem vsque Dominicum diem in
octobris octauam incidentem prout inchoata
sic indeficienter renouari continuòque crescere
deuotio videbatur, varijs Religionibus proces-
sionaliter quolibet die aduenientibus, & Sacrum
ab vnaquaque Diuo Martyri encomiasticum
reddentibus tributum. Vesperis a suæ Religio-
nis sacris Oratoribus ex eodem pulpito similem
honorem deferentibus: ab iis potissimum quos
sancta Romana Ecclesia in Alma Vrbe, & Or-
bis Capite sapientiâ illustrauit, fidem Catho-
licam à Parentibus traditam solidauit, pro qua,
& mori in morem Diui Præfulis non formi-
dant, non recusant.

Duabus elapsis ab ingressu septimanis Bea-
tissimus Præful Aedibus Sanctissimæ Trinitatis
visitatis benedictione omnibus impertita, vo-
luit destinatum iter ad sedem suam inire Polo-
ensem: quam sibi intimatam habentes Illu-
strissimi Episcopi, Senatores Clerus status
Equestris Martis Athletæ Palladisque collucta-
tores, Urbis Senatus, Ciues & populus nume-
rosus aliique in Vrbem introducentes ad expe-
diendum Diuum Pastorem illico confluxere:

cui R. P. Zienovicz Soc. Iesu faustum pro ro-
stris precabatur iter, omnibus verò ad obse-
quium Diui Martyris accurrentibus Præfuleam
exposcebat benedictionem. Hoc sermone fini-
to in parato Curru Illustrissimi Senatores pro-
priis manibus Beatum Iosaphat collocarunt;
ducebaturque Currus æque pio populi erga-
Patrónum suum affectu, multo Clero, gente,
multa campanarum sonitu comitante multo.
Sed quia in Urbis exitu prope portam Salua-
toris dictam, Ecclesia obtulit se Cathedralis
Metropolitana, Sacratissimæ Virgini ab vetu-
tissimo sæculo dicata, noluit Diuinus Martyr
Christi Pastoris sui Matrem in salutatam transi-
re: diuertit ad eam vt se nunc etiam pium mon-
stret cultorem, qui vnicam post Christum vi-
uens venerabatur Patronam. Vbi dum com-
paruit mox nomine eiusdem Sacratissimæ Ma-
tris a R. P. Casimiro Koialovicz Soc. Iesu do-
ctrinâ pietateque celebri, vt bonus Pastor &
Christi verus Imitator humanissimè salutatus.
Manfit ibi Beatus Archi-Præsul pro Festo eiusdè
Virginis Beatissimæ, quod Protectionis nūcupa-
tur in feriam textiâ incidentis: eo die Missâ dicta
solèni in honorem sacratissimæ Protecricis Re-
uerendiss. P. Bienkovski Archimandrita Gro-

duensis matris misericordiae in feruos suos indeffessam curam & tutelam patrociniū & promptum praedicauit auxilium.

Die Iouis demum quo aggressus iter Beatus Martyr per R. P. Cyprianum Zochovski Ord. S. Basilii M. Vrbi valedixit, vtque diutius haec duret in omnium corde valedictio, tipis exarata reliquit. Itineri tandem accinctus in aperto campo per R. P. Iosaphat Brazyc Ordinis eiusdem tranquillam dedit pacem & paternam impartitus largè benedictionem. O quanti erant qui singulibus implebant auram, & orationibus Caelos penetrabant, Beati Iosaphat poscentes intercessionem: quanti propriam exponentes ei necessitatem, & commune fidei Catholicae, Patriaeque afflictæ promouentes bonum. Acceptatis iis B. Martyr cum successore suo Illustissimo Metropolitano Religiosis & Presbyteris secularibus Aulæque honestissima, sat copiosâ comitante, donec Dunam in qua mergebatur bonus Pastor, feliciter sub Poloko traiecit, post exactum iter quinquaginta leucarum. Suscipitur Polociae non dispari animo prout Vilnae, simili Currus tractione, solenni pompâ, campanarum, sclopetorum tormentorumq; salutatione, & obuia triumphali processione,

feliciterque in sede sua obsequiosis locatus manibus, acclamationibus & sacris encomiis honoratus.

Iam si cui vnquam Tibi potissimum nobilissima Vrbis Polocia expedit, vt distendas, & dilates gaudijs vniuersis pectus tuum maximum, magna, nobilibus, viris, & fortitudine, magna, literis, & literatis, magna virtute, & æstimatione, quæ tanti Præfulis deposito ditaris. Hæsit ille intra Tuos parietes in Archiepiscopali Ecclesia tua tanquam margarita radiofa, in annulo, vt splendidiùs vniuerso luceret Orbi: tanquam cor purpureum in pectore, vt purissimum virtutum doctrinæque sanguinem in, honoratissimum Vnionis corpus dispensaret, tanquam pupilla stellans in oculo, vt peruigil, & insomnis in illa Beatarum Mentium specula pro suæ Ecclesiæ augmento, pro Polonia Regno, Mag. Duc. Lith., & totius Rusiæ gloria excubaret. Hæsit denique tanquam animus sagax in corpore, vt membra sua, nimium Te tuosque ab hostium incursione, & omnis generis calamitate saluè conseruaret. Tibi inquam fortunatissima Polocia, Tibi Pastor tuus, Thesaurus tuus hæreditario debetur iure; nos verò triumphantis Archi-Præsu-

lis dulcissimâ memoriâ mentem occupamus.
 O si mos ille vigeret adhuc, quo solemnî pompa
 Victores portabantur in Urbem, quantus foret
 Martyris nostri triumphus, quæ gentium accla-
 mationes, quæ monumenta victoriarum; Iret
 ante Currum depresso collo, subiectis ceruici-
 bus, subacto vultu, contemptus mundus:
 Currum traherent simul vincti simul victi cum
 conspirantibus Vitepscentes, frontibus famula-
 ri iugo coniunctis: succederent agmina vitio-
 rum vno simul omnia loro deuincta, cæsaque
 flagello virtutum. Hic tractus sonanti compe-
 deliuor ringeret: fremeret audacia sine telo: la-
 ceret arrogantia sine supercilio: morderet in-
 uidia sine dente: debaccharetur impietas sine
 voce: mæstum sine viribus Schisma agmen-
 clauderet: & ferream domito collo catenam tra-
 hens, pedibus manibusque reuinctis splendi-
 dum fieret pompæ ludibrium. Qui plausus
 interea, quæ in Te laudes à circumfusa Nobi-
 litate, & plebe circumferrentur? Ponerent Ti-
 bi Beatissime Præsul obeliscos alij vt Sefostri,
 alij columnas erigerent, vt Troiano: tabulas
 illi Tibi figerent vt Alexandro: arcus isti fle-
 ærent, vt Constantino: Pyramides quidam
 excitarent vt Nino: quidam currus iungerent,

vt

vt Cæsaribus: plurimi Statuas erigerent, vt vi-
 ctoribus innumeris. Sic Iosaphat Beatissime
 triumphares. Quamquam, vt fatear hæc mi-
 nora sunt meritis, neque vlla reperiri possunt
 emblemata quibus tantus triumphus exequetur.
 Non obelisci in metam efformati; Martyris glo-
 ria metas nescit: non Columnæ, quæ deorsum
 basi nituntur; Cælo Nomen illius innititur:
 non tabulæ, quæ pigmentis collucet, virtus
 ista factis non coloribus illustratur: non arcus,
 qui curuantur, atque flectuntur; recta hic &
 inflexa in Catholica fide bonitasque optimi
 Pastoris solidatur: non Pyramides quæ puncto
 terminantur; Iosaphati victoriæ terminos nul-
 los agnoscent: non Currus, qui præterlabun-
 tur, non præteribit hoc factum: non statuæ
 demum, quæ obmurescunt; tanta prodigia
 non silebunt multarum rerum furtu ablatarum
 ab ipsismet furibus domini, quorum res erant
 receptores. Loquentur multarum rerum per-
 ditarum prodigiosis modis læti inuētores, præ-
 dicabunt duæ Nobiles Matronæ, nominis etiam
 Ecclesiæ Romanæ vehementer exosæ, quarum
 vtraque Diui Martyris ope sanctam amplexa
 Vnionem. Narrabit vterque sexus plurimo-
 rum morborum à multis annis graui pressus
 agri-

ægritudine, auxilio Diui Martyris pristinae sa-
 nitatis vigorisque recuperator. Dicit liberator
 bellicorum tormentorum destinatus eorundem
 curæ, vt sub ingressum Beatissimi Præfulis in fi-
 gnum abundantioris honoris explodantur, fecit
 miserandus homo vel inuitus quod debebat,
 Schismatici liuoris plenus & inuidiæ, tandem
 nauseabundus super hoc obsequium Beato
 præstitum, renuit ampliùs onerare iustè & mo-
 ras nectens ex disposito madidum non accende-
 bat puluerem, asserens vt iam ipse Duszochuat
 iaculetur [sic vulgò Beatus Iosaphat a Schismate
 vocitari solet] res mira; in momento nullâ ignis
 approximante scintilla, tormentum exoneratur
 fragore præter solitum Ciuitas impletur, & blas-
 phemus ex vallo in profundissimam exanimis
 ruit vallem: tandem commiseratione multo-
 rum in Ecclesiam ad Beatum Martyrem depor-
 tatus respirauit. Non obmutescunt omnes isti
 beneficiorum Dei memores, quæ Tuâ Bea-
 tissime Iosaphat virtute, tuis validissimis me-
 ritis obtinuerunt: non silebunt omnes Tuam
 in posterum opem imploraturi. Et licet ego so-
 lus scribentem calamum receptui paro, non ta-
 cebit tamen Poloniae Regnû cû suo Monarcha,
 Magnusque Ducatus Lithuaniae, & Russia.

tota

tota, non tacebit: perorabunt omnes votis & suspiriis ad Deum desideriis & supplicationibus, Christi in terris Vicariam potestatem pro Te supplices deprecabuntur; vt quod pauca lustra post Beatificationem Beatissimæ VRBANI VIII. non concesserunt VRBANITATI, hoc Tibi CLEMENTIS IX. Clementissimâ donetur CLEMENTIA.





Imprimatur.


Si videbitur Reuerendiss. Patri Magistr. Sac.
Pal. Apost.

M. Episc. Arimin. Vicesg.



Imprimatur.


Fr. Hyacinthus Libellus Sacr. Palat. Apost.
Magister.



C.

ft.

M.



Oddział Konserwacji
26 bródw Bf
1991r.

